

այլեւս: Աւելի շուտ, այդ չէ միայն: Գնում եմ նշանախօսի մօտ: Զգիտեմ՝ զեղեցի՞կ է, տը-
գե՞ղ է: Կարեւոր չէ:

* * *

Ամէն մի մշակոյթ ունի իր գերագոյն ուրիշմը, որով կարողանում է տիրել իր հոգեկան փոթորիկներին: Կեանքի թաւալումը, հակասական հոսանքների մղումի տակ, առաջ է բերում ներքնաշխարհի ծածուկ բնազդով օտարւած մի լարուածութիւն, որը ճակատագրականօրէն ձգտում է իր արտաքին հաւասարակըչուութեան: Մեր էութիւնը հիմնուած է խորհուրդների կշռականութեան վրայ: Իսկական արժէքները անտեսանելի են, ծովերի մէջ դոյութիւն ունեցող հոսանքների նման: Ու ամէն ինչ հիմնուած է նրանց վրայ: Ամէն ինչ բխում է այնտեղից, եւ այդ՝ հակառակ մեր գիտակցութեան եւ այն արտաքին աշխարհին, ուր մենք կարծում ենք որ ապրում ենք:

Պատահում են ժամանակներ, երբ փոթորիկները, ներքին հոսանքները տակնուվրայ են անում: Կամուրջները փլչում են, նաւերը փրկութեան սուրյոցներ են արձակում եւ կոհակները բարձրանում են լեռների նման:

Այդպիսի ճշնաթաճերին ամէն մի անհատ եւ ամէն մի ժողովուրդ՝ որպէսզի չընկղմի, չանհետանայ՝ զիմում է իր հանճարի գերագոյն ուրիշմին: Ալիքը զսպում է, եւ իր գիտակցութեան մէջ փոթորիկը սահմանափակում է:

Այդ զսպանակը արեւմտեան երկիրների համար դասակարգութիւնն է:

Պարսիկների անարկու գրոհի դէմ Հելլադան պարզեց իր պղատոնեան ակադեմոսը: Սանձեց հելլենական հոգու կատարած ձին, ալիքների վրայ ձէթ ածեց ու կեանքի վրայ ցուրացրեց իր զանգերի արեւային հմայքը: Բայց, ո՞վ չիմանում, որ Պղատոնի ամէն մի նախադասութեան տակ՝ չնայած Սոկրատեան սրած դանակին՝ այն կոծում է Եւրեղիսեան խորհուրդների անհանգիստ ոգին: Այն ոգին, որը Ալեքսանդրեան շրջանում, Ֆիլոնի դպրոցի հետ, յորդում է անդուսպ գետի նման ու նոր իմացականութեան տակ հոգեղէնութեան անտառներ հրդեհում:

Միջին դարերի ամբողջ շրջանը, եւրոպական մարդկութեան համար, քրիստոնէական ափրիկեան դպրոցի (Տերտուղիանոս) եւ Պղա-

տոնի պայքարն է: Ենթադիտակցութեան մէջ երբեք տիեզերքը եւ գոյացման բարձրագոյն ուրիշմը, յայտնատեսութեան առջեւ կայծկըլտող ապոկալիպսեան աշխարհը եւ Աւգուստինոսի տրամաբանական բարոյագիտութիւնը, ուսմանական ոճը եւ գոթականութիւնը, ոգին եւ արձանը, հակադէմ ուժեր են, որոնց վրայ դարերը պահում են իրենց հաւասարակըչութիւնը:

Դասականութիւնը խարիսխ է, որ փոթորիկների ժամանակ արեւմտեան մշակոյթը նետում է ծով, նաւը փրկելու համար: Դոժոխքը բոցավառում է Դանտէի միապաղաղ terzina-ների տակ եւ Մեղիչիները, դիւից զարնուած օձերի նման, պառկում են Միքայէլ Անջելոյի դամբարանների մէջ:

Իսկ մե՞նք:

Վայրի հաւուկ մի եմ, բռնած ու բերած Դրած զիս ի նեղ զընդան...

* * *

Կոմերիդմիտութիւնը հայ ոգու աւագ սեղանի վրայ կաթիլն է տապակում եւ խորանում մարդանք անում:

Յանուն ինչի՞:

Ու անցեալը, Հոլիսիմէի դանդակատան խարխուլ սանդուխի նման, իջնում է վար, դէպի վիճեր:

Միտքս պրպտում է հեռաւոր աղբիւրների շուրջը, ուր մեր հոգին իր ծարաւն է յագեցրել: Քսան դար առաջ, անմատչելի լեռների վրայ, միլիոնների հեղկուած կածաններով, մենք առաջացել ենք մի պուտ ջուրի համար ու չորցած լեզուով զոփութիւն որոնել: Ու չնայած դրան, մենք դեռ ծարաւ ենք մինչեւ այսօր, բայց այլեւս ոչ մի ուղղութիւն դէպի ոչ մի լեռ մեզ չի տանում:

Հայ ժողովուրդը չի ստեղծած եւ ոչ մի փիլիսոփայութիւն, որը հանդիսանար իր ներքին, հոգեկան կեանքի անհրաժեշտ իրականացումը: Հայ միտքը մեքենաբար կամ պարտադրականօրէն ընդգրկած է գիտական կամ հասարակագիտական որոշ ուղղութիւններ՝ առանց մարմնացնելու այդ ուղղութիւնները: Հայ հոգին չէ կանգնած իր կենտրոնում, ըստեղծելու համար իր գոյացութեան ուրոյն եւ ինքնայատուկ ձեւը: Հայ ոգին առարկայական պայմանների պարտադրած դէպքերի պատմու-